

SIRKUS

3. ÁGÚST 2007 ■ Silvía syngur fyrir samkynhneigða Svía ■ Björgólfur og bílarnir ■ Elma Lía og Reynir Lyngdal selja íbúðina

30 álitsgjafar velja næsta forsetaefni

SNIÐIN FYRIR BESSASTAÐI



Lífið er **ferðalag**

Njóttu hvernar stundar af ferðinni. **Yamaha vespa** er ferðafélaginn þinn. Flott útlit og frábærir aksturseginnleikar.

Komdu að skoða vespuna þína í MotorMax.

Þú færð hjálm í kaupbæti í ágúst.

MotorMax

MotorMax Reykjavík - Kletthálsi 13 - Sími 563-4400
MotorMax Egilsstöðum - Sími 470-5080 / 470-5070
Tækjasport og dekk Akureyri - Sími 460-4350



YAMAHA

SKAPANNA AUGLÝSINGASTOFNA

fréttir

Heyrst hefur



Björinn hækkar á Ölstofunni

Reykingabann á veitingastöðum hefur farið fyrir brjóstið á þeim félögum Kormáki og Skildi, eigendum Ölstofunnar. Kormákur sagði í blaðaviðtali fyrir skömmu að viðskiptin í sumar hefðu dalað og hefðu jafnvel dalað meir ef ekki hefði verið fyrir góða veðrið sem ríkt hefur. Nú hafa þeir félagar reynt að bregðast við þessum minnkandi viðskiptum með því að hækka björinn um heil 10%, eða úr 500 krónum í 550. Eftir sem áður er björinn á Ölstofunni þó ódýrari en á mörgum börum borgarinnar.



Íþróttaluffa

Það eru fleiri þekkt andlit en Jónsi í í svörtum fótum sem spreya sig á flugfreyjubransanum í sumar en fyrrverandi sjónvarpskonan Lovísa Árnadóttir, sem landsmenn kannast við úr íþróttaréttum á RÚV, brosir nú framan í farþega hjá Icelandair. Þykir Lovísa taka sig einstaklega vel út í flugfreyjubúningnum og ætti ekki að væsa um farþegana þegar Lovísa tekur á móti þeim með kaffi og sjarmann að vopni.

sirkus

Útgáfufélag 365 prentmiðlar
Útgefandi Helgi Hermannsson, ábm.
Ritstjórn Kristján Hjálmarsson,
 kristjan@frettabladid.is,
 Indiana Ása Hreinsdóttir,
 indiana@frettabladid.is
Útlitshönnun Kristín Agnarsdóttir,
 kristina@frettabladid.is,
Sirkusblaðið Skaftahlíð 24
 105 Rvk, sími 512 5000
Söluþjóri Bergur Hjaltasted
 512 5466 bergurh@365.is

BJÖRGÓLFUR GUÐMUNDSSON OG ÞÓRA HALLGRÍMSSON EIGA MARGA AF FLOTTASTU BÍLUM LANDSINS: FLOTTASTUR ER ÞÓ BENTLEYINN SEM BJÖRGÓLFUR Á.



RANGE-INN Björgólfur keyrir dagsdaglega um á tveggja ára gömlum jeppa.



BENTLEYINN Algjört augnayndi sem stendur í heimreiðinni við Vesturbrún 22.



BENZINN Þóra keypti þennan Benz-jeppa fyrir skömmu.

BÍLAR FYRIR

60

MILLJÓNIR Í HEIMREIÐINNI

Björgólfur Guðmundsson og Þóra Hallgrímsson eru bara tvö í heimili að Vesturbrún 22. Samt eiga þau marga bíla. Í heimreiðinni hjá þeim hjónum má finna í það minnsta þrjá bíla og það af bestu gerð. Samkvæmt heimildum Sirkuss kosta bílarnir þeir á milli 50 og 60 milljónir króna. Og þá er ekki víst að allir bílarnir þeirra séu upptaldir.

Þóra Hallgrímsson keypti sér nýlega glænýjan silfurlitaðan Mercedes Benz ML 500 – þýskt stál af bestu gerð. Þóra skipti út gylltum Nissan Murano fyrir Benzinn.

Þá á eiginmaður hennar, Björgólfur Guðmundsson, einnig jeppa. Sá er dökkgrár tveggja ára gamall Range Rover Charger sem kostar um fimmtán milljónir króna.

Rúsinan í pylsundanum er þó Bentleyinn sem Björgólfur fékk í sextugsafmælisgjöf frá Björgólfi Thor, syni þeirra Þóru, fyrir sex árum.

Bentleyinn var smíðaður árið 1995 af Rolls Royce-bílaframléiðandanum. Hann er sannkallað augnayndi – fagurgrænn með drapplituðu leðri. Erfitt er að skjóta á hvað svona gæðagripur – sem næstum er orðinn antik – kostar. Heimildarmenn Sirkuss skjóta þó á 30 milljónir hið minnsta.

Björgólfur notar Bentleyinn sjaldan. Fer þó stundum í sunnudagsbíltúr til að viðra fjölskylduna og bílinn. Í góðviðrinu sem ríkt hefur síðustu vikur hefur Bentleyinn hans Björgólfs staðið í heimreiðinni, bílaáhugamönnum sem öðrum til mikillar gleði. Þar glitrar á grænt lakkid. Og þótt jeppar þeirra hjóna séu flottir blíkna þeir í samanburði við Bentleyinn.



Í GÓÐUM FÉLAGSSKAP Hér eru Þóra og Hallgrímur í góðum félagsskap.

SafeFormula
 POWERFUL FORMULA
 SAFE FORMULA FOR ALL HAIR TYPES

Of lítil fyrir verðlaunin

Helga Dýrfinna Magnúsdóttir, fegurðardrottning með meiru, lenti í fimmta sæti í netkosningu í Miss Tourism-keppninni sem fram fór í Kína. Keppt var í ýmsum flokkum auk aðaltílsins, þar á meðal besta bikinimódelið og ungfrú diskó, en Helga Dýrfinna náði því miður ekki að landa neinum verðlaunum.

„Þetta gekk allt rosalega vel og dómararnir sögðu að ég hefði staðið mig vel,“ sagði Helga Dýrfinna í samtali við Sirkus í gær en þá var hún nývöknud eftir loka-keppnina sem fram fór á miðvikudag. „Dómararnir sögðu að ég væri aðeins of lágvaxin,“ bætir Helga Dýrfinna við en hún er rétt tæpir 1,70 m. Þær stúlkur sem hreptu efstu sætin í keppninni voru hins vegar allar í kringum 1,75.

Helga Dýrfinna sagðist sátt við sinn hlut í keppninni, ekki síst að hún skyldi ná fimmta sætinu í netkosningu sem opin var öllum. „Það er gott að vita að ég hafi fengið hjálp að heiman en ég fékk rúmlega tíu þúsund atkvæði,“ segir Helga Dýrfinna, sem er þakklát fyrir stuðninginn. „Ég vil þakka Íslendingum fyrir stuðninginn.“

HELGA DÝRFINNA Stóð sig frábærlega í keppninni í Kína en þótt of lágvaxin.

NÆRFÖT



MÓTEFNI VIÐ KULDA

Gerð: Hallgerður CM-911 | Bolur | Kvenna
Gerð: Langbrók CM-916 | Buxur | Karla/kvenna
Gerð: Ingjaldur CM-910 | T-shirt | Karla/kvenna
Gerð: Gunnar CM-909 | Síðerma bolur | Karla
Efni: Undurmjúk Merino ull
Verð: Kemur á óvart Gæði: 100%



Cintamani Outdoor Store // Laugavegur 11
cintamani.is

SPJARABU ÞIG

SKÍFAN LISTINN

VINSÆLASTA TÓNLISTIN

1	Megas og Senupj.	N	Frágangur
2	Ýmsir	N	Íslandslög 7
3	KK og Maggi Eiríks	↓	Langferðalög
4	Ýmsir	↓	Í brekkunni: Eyjalögin
5	Ýmsir	↓	100 Íslensk 80's lög
6	Ljótu Hálfvitarnir	↓	Ljótu Hálfvitarnir
7	Ýmsir	N	Íslandslög 1-6
8	Mika	↓	Life in Cartoon Motion
9	Hvannaldsbræður	↓	Skást of
10	Gus Gus	↑	Forever
11	Amy Winehouse	↓	Back To Black
12	Garðar T. Cortes	↓	Cortes 2007
13	Ýmsir	↓	Number 1
14	Laddi	↑	Hver er sinnar kæfu smiður
15	Jógvan	↓	Jógvan
16	Ýmsir	↓	Gleðilegt sumar
17	Lay Low	↓	Please Don't Hate Me
18	Lada Sport	↑	Time And Time Again
19	Trío B.Thor og A. Gyl	↑	Vorvísur
20	Ýmsir	↓	Heimilistónar

▲ Aftur á lista N Nytt á lista ↓ Lækka frá síðustu viku ↑ Hækkar frá síðustu viku → Stendur í stað

Megas og Senupjófair

Langmest seldi diskur ársins. Mest seldi diskur á einni viku á þessu ári. Megas með möglegu plötu ársins.



Íslandslög 7

Frábær safnplata sem vert er að skoða. Tryggðu þér eintak.

Nældu þér í eintak



S·K·Í·F·A·N

Listinn gildir vikuna 2. ágúst - 9. ágúst 2007

ELMA LÍSA OG REYNIR LYNGDAL HAFU SETT ÍBÚÐINA SÍNA VIÐ HRINGBRAUT Á SÖLU OG KEYPT NÝJA Á KVISTHAGA.

Kveður Hringbrautina

með söknuði



KVEDUR
ÍBÚÐINA
MEÐ
SÖKNUÐI
Elma Lísu á
eftir að
sakna
íbúðarinnar
við
Hringbraut.

Elma Lísu Gunnarsdóttir leikkona og Reynir Lyngdal leikstjóri hafa sett stór-glæsilega íbúð sína við Hringbraut 32 á sölu. Ástæðan? Þau ætla að flytja lengra inn í Vesturbæinn. „Við ætluðum eiginlega ekki að selja en svo gerðist þetta bara einhvern veginn,“ segir Elma Lísu en þau hjónakornin hafa keypt sér íbúð við Kvisthaga. „Vinafólk okkar var nýflutt í sömu götu og við ákváðum eiginlega að elta þau,“ bætir leikkonan við.

Elma Lísu og Reynir hafa búið við Hringbrautina í ein sex ár og það hefur farið einstaklega vel um þau. „Þegar við komum að skoða íbúðina í fyrsta sinn urðum við svo heilluð að við ákváðum strax að kaupa hana. Það er svo góður andi í henni og okkur hefur liðið rosalega vel hérna,“ segir Elma Lísu.

Íbúðin við Hringbraut er með eindæmum glæsileg. Í raun svo glæsileg að eftir er tekið. Blaðgreinar hafa verið skrifaðar um hana í erlendum sem innlendum hönnunartímaritum. Hátt er til lofts í íbúðinni og stórir bogadregnir gluggar, sem einkenna húsið, fylla íbúðina birtu. Samkvæmt upplýsingum frá fasteignasöluinni prýða upprunalegar rósettur og listar alla íbúðina, sem og upprunalegt veggfóður. Íbúðin er tæpir hundrað fermetrar, með tveimur svefnherbergjum, stofu og borðstofu.

Húsið stendur sem fyrr segir við Hringbraut. Þaðan er gengið inn í húsið sem og frá Tjarnargötu. Íbúðin hentar barnafjölskyldum vel. Dóttir Reynis á sitt eigið herbergi á Hringbrautinni en fær nýtt á Kvisthaganum. „Sú litla segist nú ekki vilja flytja og við hefðum alveg getað verið með fleiri börn hérna ef slíkt hefði verið á dagskrá,“ segir Elma Lísu, sem nú kveður Hringbrautina með söknuði.



BJÖRT ÍBÚÐ Bogadregnir gluggarnir fylla íbúðina birtu.

MYND/GUNNAR SVERRISSON ÚR BÓKINI HEIMILISBRAGUR



ÓTRÚLEGA FLOTT ÍBÚÐ

Myndir úr íbúðinni birtust meðal annars í bókinni Heimilisbragur.

MYND/GUNNAR SVERRISSON



Flugsafn Íslands
AKUREYRI

Flugsafn Íslands, Akureyrarflugvelli,
er opið alla **Verslunarmannahelgina**
frá kl. 13 til 17
og eftir samkomulagi.

www.flugsafn.is

Flugsafn Íslands, Akureyrarflugvelli • flugsafn@flugsafn.is • 600 Akureyri • Sími: 863 2835

G-STAR RAW
REYKJAVIK STORE
LAUGAVEGI 86-94, S: 511-2007



Ný
sending

Opið
föstudaga 10-18.30,
laugardaga 10-17.00

G-STAR RAW DEFENDER R G HARRIS RAWSON g-star.com



EYJAN CAPRI Flottur staður sem gott er að dveljast á.

Í brúðkaupsferðalagi á Capri



MARIKÓ MARGRÉT OG ÁRNI ÞÓR

CAPRI KATARÍNA

Komið allir Caprisveinar. Komið sláið um mig hring, á meðan ég mitt kveðjukvæði um Katarínu litlu syng. Látið hlæja og gráta af gleði gítara og mandó lín. Katarína, Katarína, Katarína er stúlkan mín.

Hin nýgiftu hjón Maríku Margrét Ragnarsdóttir og Árni Þór Vigfússon eru nú stödd á eyjunni Capri í hálfmánaðar brúðkaupsferðalagi. Eyjan Capri hefur löngum verið eftirsóttur staður hjá þotu-liðinu í Hollywood.

Það var faðir brúðgumans, Vigfús Þór, sem gaf hjónin saman við hátíðlega athöfn í Grafarvogskirkju hinn 21. júlí síðastliðinn. Í glæsilegri brúðkaupsveislu þeirra hjóna sem var haldin í Valhöll á Þingvöllum mætti sjálfur Raggi Bjarna til að tryggja lýðinn. Voru menn og konur sammála um að þar hafi Raggi enn og aftur sýnt sig og sannað sem einn öflugasti skemmtikraftur landsins. Hann lagði brúðhjónunum línurnar og það þau að minnast þess í brúðkaupsferðinni hvernig Capri-stúlkan Katarína blés skáldinu frá Fagraskógi, Davíð Stefánssyni, það hressilegum anda í brjóst að hann orti kvæðið „Capri Katarína“ af munni fram. Nú er það án efa músan Maríku sem skreytir sig capri-blómum til að dansa Tarantellu og teygja lífsins guðavín með hinum nýbakaða eiginmanni. Ærið tilefni fyrir sírenurnar á sundinu bláa til að endurvekja söng sinn um íslensk ástarevintýr.

Í fiskikofa á klettaeyju Katarína litla býr. Sírenur á sundi bláu syngja um okkar ævintýr.

Á vígða skál í skuggum trjánna skenkti hún mér sitt capri vín. Katarína, Katarína, Katarína stúlkan mín.

Með kórónu úr capriblómum kryndi hún mig hinn fyrsta dag. Af hæst tindri hamingjunnar horfðum við um sólarlag. Þar dönsuðum við Tarantella og teygðum lífsind guðavín. Katarína, Katarína, Katarína er stúlkan mín.

En nú verð ég að kveða Capri og Katarínu litlu í dag. Horfa mun ég út til eyjar einn um næsta sólarlag. Grátíð með mér, gullnu strengir, gítara og mandólín. Katarína, Katarína, Katarína stúlkan mín. Katarína stúlkan mín.

NÝR SVALANDI TOPPUR®

FERSKT BRAGÐ
ÁN KOLSÝRU

- ✓ Án kolsýru
- ✓ Íslenskt bergvatn
- ✓ Svalandi sítrónubragð
- ✓ Hressandi skógarberjabragð



Berg Toppur® is a trademark of The Coca-Cola Company.
© 2007 The Coca-Cola Company. All rights reserved.

**Berg
toppur®**

ÁGÚSTA EVA ERLENDSDÓTTIR HEFUR VERIÐ Í PARÍS Í SUMAR ÞAR SEM HÚN STUNDAÐI NÁM Í TRÚÐA-SKÓLA. HÚN ER HVERGI NÆRRI HÆTT AÐ LEIKA SILVÍU NÓTT, SEM NÚ HYGUR Á FREKARI LANDVINNINGA.



ÁGÚSTA EVA ERLENDSDÓTTIR Hefur verið á flakki um Evrópu til að sinna listagyðjunni.

Syngur fyrir tuttugu þúsund samkynhneigða Svía



SILVÍA NÓTT Hún nýtur gríðarlegra vinsælda í Svíþjóð sem og annars staðar í Evrópu.

Hæfileikabúntið Ágústa Eva Erlendsdóttir hefur ekki setið auðum höndum að undanförmu og þýtur nú á milli evrópskra stórborga til að sinna listagyðjunni. Leikkonan og skemmtikrafturinn er stódd í Svíþjóð um þessar mundir til að vekja athygli á Silvíu Nótt og skemmta Svíum á Hinsegin dögum þar í landi. Drjúgum hluta af júlímánudi eyddi Ágústa svo í Frakklandi í Moulin Rouge-stemningu við ostaát með hvíta silkihanska í háborginni París.

Eins og dúkkuborg

„Að koma til Parísar fannst mér svoltið eins og að labba inn í lítið dúkkuhús. Það er allt svo smábert og sætt í þessari borg,“ segir Ágústa Eva, sem fór til Parísar í þeim erindagjörðum að sinna leiklistinni. „Ég fór til að taka þátt í trúðanámskeiði við leiklistarskóla Philippe Gaulier í París,“ segir

Ágústa Eva en skólinn er með þeim virtari í heiminum á sviði látbragðsleiks. „Kennarinn í skólanum, Philippe Gaulier, er svona lifandi goðsögn og kenndi á sínum tíma mikið við skóla Jacques Lecoq. Þeir tveir eru aðalgaurnarnir í þessu en þetta námskeið snerist þó hvorki um látbragðsleik eða rjómakökukast heldur snerist þetta fyrst og fremst um að finna gleðina í því að leika,“ segir Ágústa Eva en slagorð skólans er einmitt að leikhúsið eigi að taka jafnalvarlega og barn að leik. Gaulier hafnar því að leikarinn þurfi að þjást til að kalla fram tár fyrir persónur sínar og leggur í staðinn áherslu á gleðina í leikaranum á bak við alla framkomu. Það hljómar vel við hæfi þegar horft er til Ágústu og leikgleðinnar að baki vinkonu hennar Silvíu Nætur.

Heilluð af París

Spurð hvort hún hafi fundið trúðinn

í sjálfri sér í París og hvort hann hefði verið langt frá hliðarsjálfinu, hinni athyglissjúku Silvíu Nótt, segist Ágústa Eva ekki vera dómbær á það. „Þetta var rosalega skemmtilegt námskeið en við vorum aðallega í alls kyns spuna-leikjum. Ég ætlaði að vera í París í mánuð en þurfti að fara heim eftir tvær vikur og gat því miður ekki klárað námskeiðið,“ segir Ágústa, sem heilladist alveg af höfuðborg Frakklands. „Ég fer bókað einhvern tímann aftur til Parísar og vonast til að geta eytt enn lengri tíma þar,“ segir hún en framtíðin verður að leiða í ljós hvort Ágústa stefnir í meira leiklistarnám hjá Gaulier.

Á Hinsegin dögum í Svíþjóð

Heimsborgardaman stoppaði stutt á Íslandi og er strax komin í næstu stórborg því nú kynnir hún hliðarsjálfið sitt á Gay Pride-hátíðinni í Svíþjóð. Sjónvarpsstjarnan Silvíu Nótt er aug-

ljóslega hvergi nærri af baki döttin því í haust sýnir sænska sjónvarpsstöðin Channel 4 þættina The Sylvia Night Show. „Við erum í Svíþjóð til að auglýsa Silvíu Nótt áður en sjónvarpsþátturinn fer af stað. Og af því tilefni ætlar Silvíu að syngja á Gay Pride-hátíðinni í Svíþjóð fyrir um það bil tuttugu þúsund manns,“ segir Ágústa, sem var pollróleg þegar Sirkus náði tali af henni þrátt fyrir herlegheitin fram undan. „Ég er nú ekki alveg búin að ákveða hvers konar skemmtiatriði við verðum með á Hinsegin dögum. Er ekki með neitt skipulagt að þessu sinni en það verður bara að koma í ljós hverju við tökum upp á,“ segir Ágústa að lokum en landanum er líklega ljóst að hin leikgláða og uppátækjasama Ágústa Eva í hlutverki Silvíu Nætur verður ekki í vandræðum með að búa til eftirminnilegt skemmtiatriði fyrir frændur vora og stela athyglinni á Hinsegin dögum í Svíþjóð.

Hlý helgi - þvert á spána

TINDUR flíspeysa

REYKJAVÍK:
Smáralind
Kringlan
Bankastræti 5
Faxafen 12

GARÐABÆR:
Miðhraun 11

AKUREYRI:
Glerárgata 32

www.66north.is

Hlakkar til að spila á Íslandi

Víð erum búin að spila á útihátíðum í Englandi í sumar og þá skiptir veðrið öllu máli. Glastonbury var einn stór drullupollur en svo spiluðum við í glampanði sól á minni hátíð um síðustu helgi sem kallast „Secret Garden Party“ og þar voru allir í góðu skapi,“ segir tónlistarkonan Hafdís Huld, sem baðar sig í sólinni á Englandi áður en hún heldur heim til Íslands til að halda tónleika næsta fimmtudagskvöld.

„Þetta verða heimilislegir útgáfutónleikar þar sem ég spila lög af Dirty Paper Cup. Ég hef aldrei spilað með hljómsveitinni minni á Íslandi sem er skrýtið því við erum búin að spila á 80 tónleikum víðs vegar um Evrópu og því löngu kominn tími til.“

Óhætt er að segja að velgengni fyrstu sólóplötu Hafdísar Huldar hafi farið fram úr björtustu vonum en síðan fyrsta sólóplata hennar kom út hefur hún meira og minna verið á tónleikaferðalagi og meðal annars hitað upp fyrir tónlistarmanninn Paolo Nutini í stærstu tónleikasölum Bretlands. „Það hefur komið skemmtilega á óvart þegar við mætum til landa sem við höfum aldrei komið til áður og fólk er að syngja með lögnum mínum,“ segir Hafdís, sem hlakkar til að koma heim og skemmta Íslendingum með lögum eins og Diamonds on My Belly og Ski Jumper. Miðasala á tónleika Hafdísar Huldar, sem haldnir verða í Salnum í Kópavogi næsta fimmtudagskvöld, er á Mið.is og Salurinn.is.

HAFDÍS HULD
Sló í gegn á Hultsfredfestivalinu í Svíþjóð fyrir skömmu.



GOTT FOLK

SIMMI OG JÓI Á BYLGJUNNI
FYRSTI ÞÁTTUR NÆSTA LAUGARDAG KL. 9-12

BYLGJAN
989

- ALLIR ERU AÐ HLUSTA!

SIRKUS FÉKK 30 ÁLITSGJAFNA TIL AÐ NEFNA ÞÁ SEM ÞEIR VILDU SJÁ SEM NÆSTA FORSETA. MARGIR VORU NEFNDIR TIL SÖGUNNAR EN KONUR VIRÐAST ÞÓ OFARLEGA Á ÓSKALISTANUM.

Gáfuð góð & virt

Þorgerður Katrín Gunnarsdóttir, Bjarni Ármannsson, Sigríður Dúna Kristmundsdóttir og Kristín Ingólfssdóttir eru það fólk sem kemur helst til greina sem næsti forseti Íslands, það er ef Ólafur Ragnar Grímsson býður sig ekki aftur fram. Þetta er skoðun þrjátíu álitsgjafa sem Sirkus leitaði til. Fjöldmargir voru nefndir á nafn. Fjórmenningarnir stóðu hins vegar upp úr, voru nefndir langoftast á nafn. Og það dylst engum að álitsgjafarnir hafa mikla trú á fjórmenningunum. Frábær fulltrúi, háttvís, farsæl og heiðarleg, eldklár, gáfaður, góður og virtur, jarðtengd og víðsýn voru meðal þeirra lýsingarorða sem höfð voru um fjórmenningana, sem allir hafa verið áberandi á sínu sviði. Hér að neðan getur að líta alla þá einstaklinga sem nefndir voru á nafn og ummæli sem álitsgjafarnir höfðu um þá. Ljóst er að konur eru ofarlega í huga álitsgjafanna því af þeim 44 einstaklingum sem þeir nefndu voru 25 konur. Þá nefndu þeir aðeins einn af erlendum uppruna, sjálfa forsetafrúna, Dorrit.

Þorgerður Katrín Gunnarsdóttir menntamálaráðherra



„Mannvinur, reynslubolti í þjóðfélagsmálum, opin og jákvæð fyrir gagnrýni og vill alltaf bæta sig, greind, réttisýn og gullfalleg – utan sem innan.“

„Hefur allt til að bera sem góður forseti þarf að hafa.“

„Þorgerði Katrínu á Bessastaði. Ég þarf ekkert að skýra það neitt frekar, það segir sig sjálf.“

„Það væri nú gaman að fá konu aftur í þetta embætti og yrði nú ekki slæmt að sjá konu á borð við Þorgerði Katrínu seinna meir taka við Bessastöðum. Held bara að hún sé samt of mikill stuðbolti og eigi sér það mikla framtíð sem ráðherra en hennar tími mun koma.“

„Frábær fulltrúi okkar. Vil bara ekki missa hana úr pólitíkinni.“

Berglind Ásgeirsdóttir sendiherra

„Skarpgreind og glæsileg kona sem hefur náð mjög langt í starfi sínu. Híkar ekki við að taka að sér erfið störf og skilar þeim öllum með miklum sóma. Hefur gegnt hinum ýmsu trúnaðarstörfum fyrir íslenska ríkið og eftir henni er tekið hvarvetna. Vona að hún gefi kost á sér þegar Ólafur Ragnar hverfur frá störfum.“

„Hefur fjölbætta reynslu úr stjórnsýslu auk þess sem hún hefur gegnt mikilvægum forystustörfum á alþjóðavettangi, sem einn af framkvæmdastjórum OECD og sem framkvæmdastjóri Norðurlandaráðs. Vel menntuð, vel máli farin, hefur gott vald á erlendum málum og er vel heima í menningu og sögu þjóðarinnar.“

Sigríður Snævarr sendiherra

„Hún hefur sannað það oftar en einu sinni að hún fer ekki troðnar slóðir. Vel menntuð, góður fulltrúi Íslands.“

„Viðförl, talar mörg tungumál og mjög svo mannblendin. Klár kona.“

Þórólfur Árnason, fyrrverandi borgarstjóri

„Þórólfur Árnason fyrrverandi borgarstjóri hefur alla eiginleika og styð ég hann heilshugar til að bjóða sig fram í þetta ábyrgðarmikla embætti sem fyrst og fremst á að hlúa að landinu og fólki þess.“

„Kemur sterklega til greina. Finnst það hins vegar frekar illa gert gagnvart honum að stinga upp á þessu því það virkar svolítið eins og maður sé að kippa honum úr umferð með því. Hann á nóg eftir.“

Ólafur Jóhann Ólafsson rithöfundur

„Myndi sóma sér vel sem næsti forseti. Vel menntaður, víðsýnn og er bæði maður menningar og viðskipta. Kemur vel fyrir og er heimsborgari og alþjóðlegur í senn.“

„Menningarlegur heimsborgari og mikill Íslendingur í sér þótt hann hafi starfað lengi erlendis. Myndi sóma sér vel í embættinu, glæsilegur, vel menntaður og afar vel máli farinn.“

Ásdís Halla Bragadóttir, forstjóri Byko

„Hefur flotta útgeislun, er með góða menntun, þekkir lífið frá ýmsum hliðum, kann að tala til mannfjöldans og hefur þor.“

„Býr yfir mikilli og góðri reynslu úr viðskiptalífi og sveitarstjórnarmálum. Hefur mjög öflugt tengslanet, hefur áhuga á velferð þjóðarinnar. Tilbúin að láta gott af sér leiða, falleg og fágúð í fasi. Virkilega verðugur kandídat til forseta Íslands.“

Guðrún Helgadóttir, fyrrverandi þingmaður og rithöfundur

„Flott kona sem hefur látið að sér kveða á ýmsum sviðum. Bækurnar hennar hafa skemmt mörgum í gegnum tíðina og ég held að hún yrði áberandi forseti sem myndi setja skemmtilegan svip á þjóðlífið.“

„Guðrún myndi sóma sér vel sem forseti okkar, hún hefur ávallt verið til fyrirmyndar, er virðuleg og af henni stafar ákveðinn þokki sem þjóðhöfðingjar þurfa að hafa. Þá er hún persóna sem myndi standa fyrir allar kynslóðir, tilheyrir þeirri eldri en getur verið fulltrúi þeirrar yngri.“

Kristinn Sigmundsson óperusöngvari

„Vel menntaður á sviði raunvísinda og frábær listamaður, heimsmaður, heiðarlegur, háttvís og hvers manns hugljúfi. Makinn einnig tilvalin forsetafrú.“

Margrét Hallgrímsdóttir þjóðminjavörður

„Hefur tekist að nútímavæða Þjóðminjasafnið.“

Páll Hersteinsson náttúrufræðingur

„Ákaflega heilsteyptur persónuleiki, vandaður fræðimaður og þekkir lífríki Íslands betur en flestir aðrir.“

Þórhildur Þorleifsdóttir leikstjóri

„Ég held að klár leikkona með mikla útgeislun eins og hún væri tilvalin í embættið. Hún er vel lesin, vel menntuð og hefur mikið fram að færa. Hún er með sterkar skoðanir, en þó sanngjörn og með mikið innsæi.“

Guðfinna S. Bjarnadóttir, fyrrverandi rektor HR og núverandi þingmaður

„Hún er glæsileg kona sem hefur unnið hörðum höndum við að byggja upp glæsilega menntastofnun. Kona sem þorir að breyta til og standa fyrir sínu.“

Þórunn Sigurðardóttir, framkvæmdastjóri Listahátíðar

„Hefur stýrt Listahátíð á undanförunum árum. Þar fer kona með reynslu, góða menntun og fallega framkomu. Hún og Stefán Baldursson væru fín á Bessastöðum.“

Tinna Gunnlaugsdóttir þjóðleikhússtjóri

„Næsti forseti ætti að vera kona.“

Sigrún Hjálmtýsdóttir, Diddú, söngkona

Næsti forseti verður að vera kona.“

Margrét Frimannsdóttir, fyrrverandi alþingiskona

„Sönn íslensk alþýðuhetja sem er í góðum tengslum við þjóðina og hefur mikla reynslu af alþjóðasamskiptum. Er skemmtileg og mælsk og yrði flottur forseti. Augljóslega sterkur kostur.“

Fríðrik Sophusson, forstjóri Landsvirkjunar

„Hann og kona hans, Sigríður Dúna, eru kjörin í þetta hlutverk. eru mjög forsetahjónaleg enda er Sigríður Dúna fædd „first lady“. Með þeim fengi íslenska þjóðin tvo fyrir einn.“

Guðmundur Ólafsson hagfræðingur

„Er maður almennrar skynsemi sem talar mannamál. Hann er sögufróður maður og hann gæti einn örfárra manna gert nýársávarp forsetans bærillegt áheyrnar.“

Halla Gunnarsdóttir feministi

„Þjóðin þekkir Höllu fyrst og fremst fyrir framboð hennar til forseta KSÍ. Í það skipti hafði hún ekki erindi sem erfiði, en það gengur bara betur næst. Halla ber af öðrum konum fyrir

það hvað hún er ákveðin og fylgin sér. Hún er haldin óbilandi réttlætiskennd og telur göfugasta hlutverk okkar Vesturlandabúa að útrýma fátækt í heiminum.“

Svandís Svavarsdóttir borgarfulltrúi

„Hefur þennan íslenska myndugleik, sem einkennt hefur íslensku kvenþjóðina gegnum aldirnar. Hefur ríka tilfinningu fyrir liðsanda. Afar snjöll að koma fyrir sig orði, hefur einstaklega skemmtilegan húmor.“

Hjörtur Magni Jóhannsson frikirkjuprestur

„Vinsæll og vel virtur sóknarprestur, duglegur við að fara ótroðnar slóðir, dyggur baráttumaður fyrir réttindum minnihlutahópa. Óragur við að berjast við ríkjandi viðhorf innan kirkjunnar og lætur engan kúga sig til undirgefni. Orðsins maður, ræðumaður góður, ósérhlífinn og er afar vel lesinn í sögu lands og þjóðar. Góður fulltrúi menningar- og trúarlífs en um leið maður almennings.“

Jón Baldvin Hannibalsson, fyrrverandi ráðherra

„Hann er virtur bæði hérlendis og erlendis, flottur, klár og ógurlega skemmtilegur maður sem ber af sér mikinn þokka, síðan á hann konu sem yrði klárlega betri helmingurinn af honum í þessu embætti og ætti hún jafnvel sjálf möguleika að vinna slíkar kosningar.“

Davíð Oddsson seðlabankastjóri

„Davíð væri góður í þetta embætti. Viðförl, vel gefinn, vel upplýstur og klár maður en ekki svo mannblendinn lengur.“

Páll Skúlason, fyrrverandi rektor Háskóla Íslands

„Það myndi nú ekki gusta af honum í embættinu en rólegt og yfirvegað fas hans er á margan hátt heillandi. Ég held að hann yrði traustur forseti sem nokkur sátt gæti skapast um.“

Ómar Ragnarsson athafnamaður

„Hann getur sameinað þjóðina um þau verð-

Sigríður Dúna Kristmundsdóttir sendiherra



„Sigríður Dúna kemur til greina en að mínu mati ætti næsti forseti að vera kona.“

„Vel gefin og viðförl kona. Myndi sóma sér ágætlega í hlutverki forseta landsins. Hefur þá reynslu úr stjórnáttum og þekkingu sem til þarf. Hún og Hillary Clinton yrðu þar fyrir utan góðar saman á fyrirmennafundunum. Þær eru kunnugar eftir að Sigríður Dúna fékk Hillary til að taka þátt í kvennaráðstefnu sem haldin var hér á landi fyrir nokkrum árum.“

„Fríðrik og hún yrðu bæði flott á Bessastöðum. Hafa allt sem til þarf í þetta embætti.“

„Hún er með mikla og góða reynslu og menntun sem myndi nýtast henni vel í þessu starfi. Auk þess fylgir henni mikil reynsla og fágún.“

„Sigríður er einstaklega frambærilegur persónuleiki. Afsþyrnugreind, jarðtengd og víðsýn. Hún yrði glæsilegur fulltrúi Íslands og myndi með atorku sinni og útgeislun ná góðum árangri sem forseti Íslands. Og ekki spillir fyrir að hún á Fríðrik Sophusson sem maka, sem myndi bara vera plús fyrir okkur Íslendinga.“

Kristín Ingólfssdóttir háskólarektor



„Hefur staðið sig vel í embætti Háskólarektors. Henni hefur tekist að sneiða hjá pólitískum átökum og því verðugur sáttasemjari auk þess að vera stétt sinni til sóma.“

„Vel menntuð, mikils metinn vísindamaður, háttvís, farsæl, heiðarleg og örugglega frábær forseti. Maðurinn hennar yrði líka góð „forsetafrú“.“

„Fyrsta konan sem gegnt hefur starfi rektors Háskóla Íslands, hefur getið sér gott orð í starfi sínu. Hefur tekist að ná víðtækri samstöðu um að koma HÍ í röð fremstu háskóla heims og fengið stjórnvöld á sitt band í því efni. Afbragðs fræðimaður á sínu sviði og er þaulvön að koma fram og eiga samskipti innanlands sem erlendis.“

„Hún yrði góður forseti. Bráðgreind kona sem kemur vel fyrir og er vel að máli farin.“

„Þú horfir á hana heillaður og sérð strax forseta Íslands sem býr svo sannarlega í henni, virðuleg, glæsileg og eldklár. Og kostir hennar eru ekki taldir upp í þessari röð.“

mæti sem skipta mestu máli. Hann yrði líka svo skemmtilegur og öðruvísi forseti. Engin dúkkulísa og ósnobbaður.“

Auður Eir Vilhjálmsdóttir prestur

„Kona með mikla sögu. Vel lesin og víðsýn og ruddi hverju karlaviginu á fætur öðru úr vegi. Hún hefur fallega og einlæga trú, hvað sem má segja um trúarkreddur fortíðarinnar. Gæti síðmenntað íslensku þjóðina dálítið.“

Herdís Þorgeirsdóttir prófessor

„Glæsileg kona með bein í nefinu. Kvenréttindakona og lærdómskona. Skapmikill aristokrat en með hjartað á réttum stað.“

Vala Matt sjónvarpskona

„Ekki spurning – flottur forseti – og ég meina það í fúlustu alvöru.“

Sævar Karl athafnamaður

„Flottur karl sem kann sig – með listræna taug og mikill heimsmaður.“

Borgerður Einarsdóttir lektor

„Afar fagleg og djúpt hugsandi fræðikona á sviði jafnréttis- og kvenfrelismála, mjög góður fyrirlesari og hefur framkomu sem hæfir forsetaembættinu sérdeilis vel.“

Anna Katrín Guðmundsdóttir feministi

„Frábær feministi og gegnheil baráttukona, fylgin sér og fagleg á alla kanta.“

Borsteinn Ingi Sigfússon forstjóri

„Hefur mikla og góða reynslu af alþjóðlegu samstarfi. Óvígður sendiherra vetnisins á alþjóðavísu. Tók nýlega við Alheimsorkuverðlaunum úr hendi Pútíns Rússlandsforseta fyrir störf sín. Hann er þeim hæfileikum gæddur að geta talað við hvern sem er hvenær sem er um hvað sem er.“

Pétur Gunnarsson rithöfundur

„Er veraldarvanur, gáfaður og fágaður, myndi vafalaust halda góð boð, gefa embættinu menningarlegan blæ og jafnvel taka upp á því að hafa sjálfstæðar skoðanir.“

Borvaldur Þorsteinsson, myndlistarmaður og rithöfundur

„Frumlegur hugsuður sem myndi gera eitthvað nýtt við embættið og vafalaust hleypa aðeins upp hefðbundinni mynd manna af forsetanum.“

Björgólfur Guðmundsson, bankaeigandi og athafnamaður

„Það væri mjög íslenskt að velja þennan greifa af Monte Christo í æðsta embætti þjóðarinnar. Þar með væri hann búinn að gera kommbakk á heimsvísu.“

Ingibjörg Pálmadóttir, fyrrverandi ráðherra

„Afar hlý, skemmtileg og kraftmikil manneskja sem laðar fólk að sér. Hefur góða reynslu og myndi verða glæsilegur fulltrúi fólksins. Ingibjörg hefur undanfarið starfað að velferðarmálum barna og hefur einlægan áhuga á hugsjónar- og mannúðarmálum.“

Bryndís Schram

„Glæsileg, heillandi, hrífur fólk með sér og er með áralanga reynslu í hinum diplómatiska, opinbera geira. Þau hjónin hafa löngum sannað dug sinn og myndu vera landinu til mikils sóma. Það er líka kominn tími á konu í forsetaembættið, sérstaklega í ljósi þess hversu fáar konur sitja nú í ríkisstjórn.“

Páll Magnússon útvarpsstjóri

„Maður sem kann að tala tæpitungulaust við fólk og hrifa það með sér. Myndi án efa breyta embættinu frá núverandi háheilagleika og inn á alþýðlegri brautir sem samrýmdust meira samfélagstaktinum. Svipað og hann hefur gert með góðum árangri við embætti útvarpsstjóra.“

Svafa Grönfeldt skólameistari

„Dugnaðarforkur með mikla hugmyndaauðgi og framsýni. Að auki er hún ópólítísk og óumdeild.“

Dorrit Moussaieff forsetafrú

„Ég er ekki alveg til í að sleppa henni frá Bessastöðum. Hún er með svo góð sambönd á erlendum grundvelli og hefur staðið sig svo vel. Mér finnst hún jafnvel mikilvægari fyrir embættið en Ólafur sjálfur.“

Garðar Cortes eldri

„Hann er gífurlega forsetalegur að sjá, valdsmannglegur og kröftugur. Kann hámenninguna upp á sína tíu fingur, sem er mikilvægt í kóngapartíunum – og veraldarvanur. Aristokratinn geislar af honum.“

Bjarni Ármannsson

fyrrverandi forstjóri Glitnis



„Verðugur fulltrúi. Ungur maður sem hefur sýnt það og sannað að hann er eldklár og getur tekist á við hina ýmsu hluti. Þar að auki virðist hann vera laus við hégóma og snobb. Slíkt er mikils virði fyrir forsetaframbjóðanda.“

„Hefur náð ótrúlega langt í viðskiptaheiminum þrátt fyrir ungan aldur. Það verður erfitt fyrir hann að toppa það, nema kannski helst ef hann haslar sér völl í stjórnmalum eða býður sig fram til forseta Íslands. Gáfaður, góður og virtur. Sömuleiðis er hann alþýðlegur og ótrúlega sjarmerandi og skemmtilegur. Hver myndi auk þess ekki vilja forseta sem tæki lagið með hljómsveitinni á ballinu?“

„Bjarna Ármannsson í þetta djöbb! Hann er klár, hress og virðulegur og atvinnulaus.“

„Mikill tungumálamaður, geðþekkur maður sem hefur vítt áhugasvið og er vel tekið hvar sem kann kemur. Hann er með yfirburðareynslu á sviði viðskipta en hefur jafnframt mikinn áhuga á menningu, listum og vísindum.“

„Kominn af alþýðlegu fólki af Skaganum. Hefur gott tengslanet um allan heim og býr augljóslega að góðu uppeldi. Hefur mikla og góða reynslu af ímyndarherferðum og hvernig á að fá fólk til að líta í sömu átt.“

Alitsgjafar Sirkus



Arna Schram blaðamaður
Atli Gislason alþingismaður
Steinunn Valdís Óskarsdóttir alþingismaður
Anna Kristjánsdóttir bloggari
Andrés Guðmundsson kraftakarl
Árni Þór Sigurðsson alþingismaður
Brynja Þorgeirsdóttir fréttamaður
Sigrún Stefánsdóttir fréttamaður
Björk Vilhelmsdóttir borgarfulltrúi
Bergsteinn Áriússon tónlistarmaður
Hrafn Gunnlaugsson kvikmyndagerðarmaður
Ágúst Ólafur Ágústsson, varaformaður
Samfylkingarinnar

Kolbrún Halldórsdóttir alþingiskona
Elin Albertsdóttir blaðamaður
Sigfús R. Sigfússon, Heiklu
Eva Dögg Sigurgeirsdóttir markaðsstjóri
Svava Johansen verslunarkona
Lilly Valgerður Pétursdóttir fréttamaður
Þóra Kristín Ásgeirsdóttir fréttamaður
Fjalur Sigurðsson fjölmiðlamaður
María Sigrún Hilmarsdóttir fréttamaður
Katrín Jakobsdóttir alþingismaður
Rósa Guðbjartsdóttir bæjarfulltrúi
Elin Arnar blaðamaður

CANEXEL

Viður án viðhalds

KLÆDDU HÚSIÐ MEÐ CANEXEL !



10 litir á lager



P. ÞORGRÍMSSON & Co
ÁRMÚLA 29 - S: 553 8640

WWW.THCO.IS



BJARTMAR ÞÓRÐARSON HEFUR GENGIÐ Í GEGNUM MISGÁFULEG TÍSKUTÍMABIL OG HEFUR GAMAN AF ÞVI AÐ KAUPA FÖT Í STÓRBORGUM. HANN HYGGST FLYTJA BÚFERLUM TIL LONDON Í HAUST



GJÖF FRÁ KÆRASTANUM „Þetta er svona pönkuð afapeysa úr All Saints. Mjög eiguleg flik en það sem heillar mig við hana eru öll smáatriðin, til dæmis eru engar tvær tölur eins. Það gefur peysunni extra gildi að ég fékk hana í gjöf frá manninum.“

SIRKUSMYND/VALLI



PÍNULÍTIÐ PÓLÍTIÐ Bjartmar fékk þennan grænbláa Palestínuklút í London. „Hann er glaðlegur en pínulítið pólitískur því hann minnir á Ísrael-Palestinu. deiluna. Eiginlega finnst mér eins og ég sé persóna í Gasa söngleik þegar ég klæðist honum, sem er mjög steikt.“



TÚSSLITAPEYSA FRÁ ISTANBÚL Dúllar sér með rauðan tússlit. Bjartmar ætlar sér rúm fimm ár í að klára að tússlita þessa forlátu Guffapeysu sem hann keypti sér í ævintýraferð í Istanbúl. Frábærlega sniðug peysa sem hægt er að breyta að vild, eftir því sem tússpennarnir leyfa.



Í FOKDÝRUM FÁNALITUM „Þetta er svakaleg peysa sem ég fékk í Spúútník. Hún er í fánalitunum og annaðhvort finnst fólk hún æðisleg eða ógeðsleg.“ Ég borgaði fúlgu fyrir hana. Alltof mikið miðað við hvað maður á að eyða í föt.“



HEIÐGULIR SUMARSKÖR „Ég keypti þessa skó í Top Shop í London. Þeir eru svo gulir að fólk snýr sig úr hálsniðnum til að horfa á þá,“ en þess má geta að Bjartmar á fimm alveg eins sköpör í mismunandi litum.

Í gulrótarbuxum með lakkrísbindi

Atli ég sé ekki bara mismunandi týpa eftir dögum,“ segir leikarinn Bjartmar Þórðarson spurður um eigin fatastíl. „Stundum er sálin í pönkuðu afaskapi og þá bregð ég mér í gollu, gaddabelti, skyrtu og támjóa skó og skreyti herlegheitin með lakkrísbindinu góða. Aðra daga eru það stórir hvítir strigaskór og derhúfa, buxur með klofið milli hnjóanna og víðar peysur í neonlitum,“ segir Bjartmar og viðurkennir að hafa gengið í gegnum alls konar misgáfuleg tískutímabil. „Hver vill ekki gleyma buffalotímabilinu eða því þegar allir áttu röndóttar útvíðar buxur? Þetta kemur samt allt aftur, það eru ekki mörg ár síðan allir bölvuðu gulrótar-



buxunum og krumpugöllum í neonlitum. Núna er þetta hátíska.“

Bjartmar hefur gaman af að kaupa föt í hinum ýmsu stórborgum en Top Shop á Oxford-stræti er í sérstöku uppáhaldi. Fataskápurinn ætti því að fá andlitslyftingu í haust því Bjartmar stefnir á að flytja til London í september til að halda í framhaldsnám í leiklist og leikstjórn. „Top Shop á Oxford-stræti er sérstök fyrir það að þar fá

ungir hönnuðir að spreyta sig. Þar er hægt að finna allt, ný og notuð föt í bland við tilraunakennd föt sem verið er að sjá hvort seljist áður en fötin eru send í hinar Top Shop-búðirnar,“ segir Bjartmar, sem hefur einnig notið góðra fatakaupa í New York og Istanbúl. „Ég keypti eina uppáhaldsflíkina mína á markaði í Istanbúl þegar við félagarnir fórum í ævintýraferð til Tyrklands. Það er svarthvít Guffapeysa sem fylgdu tíu tússlitir svo eigandinn geti dundað sér sjálfur við að lita flíkina,“ en Bjartmar játar að litagleði hafi áhrif á fatavalið. „Ég klæðist sumarlegum fötum bæði á sumrin og veturna og skora á fólk að gera slíkt hið sama til að lífga upp á skammdegið með hressilegum litum.“

Fáðu Mac-book í bitum



PIPAR • SÍA



Safnaðu 3 flípum af bitaboxum frá Góu-Lindu og sendu til okkar. Þú gætir unnið Mac-book.

Bitaboxin frá Góu-Lindu eru frábær í fríð



Nafn

Heimilisfang

Netfang

Símanúmer

Dregið 15.ágúst. Góu-Linda ehf. Garðahrauni 2, 210 Garðabær

FERÐAMENN SEM LEGGJA LEIÐ SÍNA TIL LUNDÚNA FLYKKJAST EKKI LENGUR BEINT AÐ BIG BEN OG Á OXFORD STREET HELDUR LIGGUR NÚ LEIÐ Æ FLEIRI Á AMORA – THE ACADEMY OF SEX AND RELATIONSHIPS.

Kennsla í kossu og flengingum

Amora-setrið á Piccadilly, á engan sinn líka í heiminum en þar er blandað saman skemmtun og fræðslu um ást, kynlíf og sambönd. Setrið, sem hóf starfsemi sína í vor, er nú þegar orðið vinsæll áfangastaður bæði fyrir heima- og ferðamenn sem vilja betrumbæta kynlífstækni sína. Hönnun setursins tók þrjú ár og komu ýmsir kynlífsfræðingar, sambandsráðgjafar og læknafræðingar, meðal annars metsöluhöfundurinn Tracy Cox sem hefur sérhæft sig í skrifum um sambönd og kynlíf.

Bólbrögð og daður

Setrið, sem er opið frá ellefu á morgnana til miðnætis, skiptist í sjö mismunandi svæði sem hvert um sig hefur sitt eigið þema. Í upphafi heimsóknar fá gestir vasaleiðsögumann sem þeir hlusta á í eigin heyrnatólum um leið og gengið er í gegnum safnið. Fyrsta herbergið sem komið er í hefur þemað ást og losti og þar er meðal annars kennt daður, í næsta rými læra gestir allt um kossatækni og hin ýmsu kynsæandi svæði líkamans. Næst liggur leiðin inn í sal þar sem má sjá allt það nýjasta á sviði kynlífs-

hjálparkækja og þar er hægt að læra hin ýmsu bólbrögð. Tantra, Kama sutra og önnur samfaratækni fá einnig sitt pláss og þegar búíð er að fara í gegnum kennslu í því hvar g-blettinn er að finna liggur leiðin inn í fantasíu og fetishherbergi. Þar geta gestir meðal annars prófað hversu flinkir þeir eru í flengingum. Að lokum er svo hægt að fræðast um heilbrigði tengt kynlífi og túrinn endar svo á Amora lounge-bar þar sem hægt er að setjast niður og ræða upplifun dagsins yfir drykk. Setrið státar einnig af verslun og galleriádstöðu.

Kynlífsfræðingar aðstoða

Öll framsetning á setrinu er afar nútímaleg og þannig gerð að gestir fá að prófa hæfni sína og kunnáttu á ýmsum sviðum. Nútímatækni er nýtt til hins ítrasta sem gerir safnið bæði spennandi, skemmtilegt og fræðandi. Á staðnum eru einnig kynlífsfræðingar sem svara gjarnan spurningum gesta og veita persónulega leiðsögn í gegnum setrið. Íslendingar á leið til London geta lesið sér nánar til um þetta einstaka fræðslusetur á heimasíðunni www.amoralondon.com en það skal tekið fram að 18 ára aldurstakmark er inn á staðinn.



FLENGINGARMÆLIR Gestir geta mælt getu sína í flengingum í sérstökum flengingarmæli.



HEITASTI FERÐAMANNASTAÐUR LUNDÚNA Amora-setrið hóf starfsemi í vor og er nú þegar orðið vinsæll áfangastaður bæði heimamanna og ferðamanna sem vilja betrumbæta kynlífstækni sína.



HLÝTT Í VETUR Þrjónaðar peysur fylla hillurnar í herradeild H&M þetta haustið.



SVART OG HVÍTT Strákarnir eiga að halda sig mest við svart, hvítt og grátt samkvæmt hönnuðum H&M en þó má poppa hina svarthvítu tilveru upp með flikum í rauðu eða fjólubláu.



HEITUR GAUR Einn flottasti leikari Norðurlanda, Mads Mikkelsen, er módel hjá H&M þetta haustið, en hann segist hafa gengið í fötum frá fyrirtækinu síðan hann fæddist.



KLASSÍSKT Strákar í frökkum eru alltaf flottir.

SVARTHVÍTAR HETJUR

Herratískan í upphaldsverslun Íslendinga erlendis, H&M, er nokkuð gráleit þetta haustið. Ráðandi litir eru svartur, hvítur og grár sem eru poppaðir upp með einni og einni flik í rauðu eða fjólubláu. Sniðin eru klassísk og þrjónaflíkur eru áberandi, gjarnan með gamaldags skíðamynstri. Jakkafötin eru einhneppt í „slim-fit“ sniði og skyrturnar

eru einlitar, köflóttar eða röndóttar. V-háls málspeysur halda velli og þrjónuð vesti verða einnig í hillunum. Þykkir ullarfrakkar setja svo punktinn yfir i-ið ásamt fingerðum kasmírtreflum. Aðrir fylgihlutir hjá strákunum þetta haustið verða þrjónaðir hattar og treflar, leðurhanskar, leðurbelti og töskur úr leðri eða striga.

HA HA, ÞESSI GAUR!
ÉG Á EFTIR AÐ TAKA
HANN AUÐVELDLEGA MEÐ
NÍTRÓINU, HEHEH..

OHH, ENN EINN HÁLFVITINN!
EKKI HELDUR HANN VIRKILEGA
AÐ ÞESSI JAPANSKA DRUSLA
EIGI ROÐ Í TRANSANN?

DJÖ... MAÐUR!
HVAÐA HEL#1* RUGL
ER ÞETTA. ARRÓGG!

HA HA, ÁTTI EKKI SÉNS
FREKAR EN ALLAR HINAR LITLU
JAPÓNSKU DOLLURNAR!

NEI NEI, SJÁÐU ÞENNAN...
HVAÐ SEGIR MÆLIRINN?

USS, 132 KM OG
MÉR SÝNIST ÞETTA
VERA SAMI NÁUNGINN
OG Í GÆR...

6 MÁNUÐUM
SÍÐAR...

HALLÓ... ÉG HEITI
HÖRÐUR, ER AÐ
KOMA AÐ TAKA
ÖKUPRÓFIÐ AFTUR!!

OHH, ÉG TRÚI ÞESSU
EKKI! HVERJAR ERU
ANDSK... LÍKURNAR?

JÆJA VINUR, ÞÚ VIRÐIST EKKERT
LÆRA... VIÐ MÆLDUM ÞIG Á RÚMLEGA
130 KM HRAÐA. ÉG VERÐ AÐ BIÐJA ÞIG
UM AÐ SETJAST INN Í BÍL TIL OKKAR
OG TAKTU SKIRTEINIÐ MEÐ ÞÉR.

JA BÍDDU VIÐ...
HMM, BÚINN AÐ GREIÐA SEKTINA,
150 ÞÚS. FARÐU INN GANGINN,
AÐRAR DÝR TIL VINSTRI. PRÓFIÐ
BYRJAR EFTIR 5 MÍN.

Þú missir ekki bara bílprófið ef þú ekur of hratt, heldur gæti bíllinn þinn verið gerður upptækur og þú greitt sekt sem jafngildir mánaðarlaunum margra.

Hraðakstur borgar sig ekki - Í ALVÖRUNNI!



UMFERÐARSTOFA

helgin

Hvað á að gera um verslunarmanna-helgina?



„Ég ætla bara að vera róleg heima í Reykjavík um helgina þar sem ég er að fara til New York á þriðjudaginn kemur. Ég er að fara með kærastanum mínum og við ætlum að vera í viku.“

Anna Katrín Guðbrandsdóttir, fyrrverandi Idol-stjarna.



„Við fjölskyldan erum fyrir norðan á Halló Akureyri. Mamma og pabbi búa hérna á móti Akureyri svo það er sveitasælan. Þetta verður mjög rólegt hjá okkur um helgina.“

Arnar Grant einkabjálfi.



„Helgin er óráðin sem stendur. Ég er allavega að fara í parti í bænum í kvöld en síðan veit ég ekki hvað við gerum. Ég er ekki búin að ákveða neitt. Gæti verið gaman að fara í útilegu ef það verður gott veður.“

Embla Grétarsdóttir, fótballastelpa úr KR.



„Ég fer aldrei út fyrir borgarmörkin um verslunarmannahelgina, frekar en aðrar helgar yfirleitt, og get varla látið mér detta neitt heimskulegra í hug en að fylgja sturlaðri hjörðinni á hópeflis-drykkjuháttir úti í móa. Á föstudaginn ætla ég að kíkja í fimmtugsafmæli hjá stórvinkonu minni og mun svo bara lepa mitt gin og tónik á notalega fámennum börum borgarinnar og stunda kynlíf í almennilegu rúmi á heimili mínu. Sem sagt frábær helgi fram undan fjarri skarkala landsbyggðarinnar.“

Þórarinn Þórarinnsson, aðstoðarráttgjafi Mannlífs.



Sigríður Klingenberg spáir í Sirkus

www.klingenberg.is

Davíð mildast með árunum

Davíð Oddsson er fjarki. Hann er duglegur, jarðbundinn og er með hlutina á hreinu,“ segir spákonan Sigríður Klingenberg um seðlabankastjórnann Davíð Oddsson. „Davíð er að fara á tímabil endalokanna, hann er á 9 en á henni gerir maður uppgjör við það sem hangir við mann og lendir oft í töluverðu veseni ef maður hefur ekki alveg hreint borð. Það sem einnennir 4 oft á tíðum er þrjóska en maður lærir svo lengi sem maður lifir. Davíð mun mildast með árunum. Hann mun koma á óvart þegar líður nær áramótum og mun þá vera töluvert í fréttum. Ánægjuleg tífinni verða í kringum fjölskyldu Davíðs og hann á eftir að vera montinn af syni sínum. Eitthvert vesen virðist vera í aðsigi í kringum Seðla-

bankann en það verður jarðsett í fæðingu. Almennungur gæti orðið sérlega pirraður og óskað skýringa. Davíð lendir í veseni út af Baugsmálinu. Jón Ásgeir verður á endanum algjörlega sýknaður og mun velgja ýmsum undir uggu. Davíð byrjar á fullum krafti í nýrri orku um áramótin og ekkert mun stoppa hann.“

DAVÍÐ ODDSSON Sigríður Klingenberg spáir að Davíð muni lenda í veseni vegna Baugsmálsins.



ELÍN ARNAR HEFUR SLEGIÐ Í GEGN MEÐ BLOGGINU SÍNU Á NETINU OG FÆR ÞÚSUNDIR HEIMSÓKNA Í VIKU HVERRI.

Hin íslenska Bridget Jones

Elín Arnar, einn mest vaxandi bloggari landsins, hefur aðeins bloggað um skamma hrifð en samt hafa þúsundir heimsótt síðuna hennar. Elín bloggar af miklum móð um þau óheppilegu atvik sem hún hefur lent í, hvort sem er í hversdagslífinu eða ástarlífinu. Og atvikin eru ansi mörg og ansi neyðarleg. Elín Arnar er hin íslenska Bridget Jones.

„Mér leiddist einn daginn. Hafði ekkert að gera og var að velta því fyrir mér af hverju fólk væri svona hrifð af þessu bloggi,“ segir Elín um ástæðu þess að hún byrjaði að blogga. „Ég ákvað því að opna svona síðu og sjá hvort ég kæmi einhverju frá mér.“

Og það hefur Elín aldeilis gert, enda segist hún vera hrifin af bloggforminu. „Ég skrifa svona tvær til þrjár færslur á viku en ekki á hverjum degi eins og sumir,“ segir Elín, sem er ófeimin við að lýsa vandræðalegum augnablikum í lífi sínu. „Ég skrifa aðallega um eigin óheppni – skemmtileg atvik sem ég hef lent í.“

Elín, sem er ritstjóri Vikunnar, segist ekki vera feimin að skrifa um þessi vandræðalegu augnablik. „Ég er kannski feimin og vandræðaleg meðan á atvikinu stendur en þegar ég er búin að hlæja að því er ég strax orðin ónám fyrir atvikinu og ef sagan er góð þá ber manni skylda til að segja hana,“ segir Elín og bætir við: „Mér er nokk sama hvort fólk hlæi að mér eða með mér svo lengi sem ég get komið



ELÍN ARNAR Hún hefur slegið í gegn í bloggheiminum með sögum af sjálfri sér.

einhverjum til að hlæja. Það er svo hollt að hlæja og fyrir suma er það bara alls ekki auðvelt.“

Sögurnar hennar Elínar eru furðunálægt raunveruleikanum en höfundurinn segist ekki ábyrgjast tímasetningar sem koma þar fram. „Sagan gæti hafa gerst í gær en hún gæti líka hafa gerst fyrir þremur árum og ég vil taka fram að ég færi oft vel í stílinn.“

Elín segist ekki vera ein um það að lenda í vandræðalegum atvikum. Sumar vinkonur hennar hafa líka lent í ýmsu. „Ég virðist þó vera óheppnari en þær oft á tíðum eða bara meiri klaufi,“ segir Elín Arnar og skellir upp úr.

Ég slefaði þegar ég sá kornstangirnar í hlaðborðinu í hádeginu í vinnunni í dag og fékk mér tvær á diskinn. Namm, heitar gylltar, glóandi kornstangir með bræddu smjöri og dálitlu salti. Það gerist ekki betra. Ég fékk mér sæti með Vikuskvisunum og gæddi mér á göðgætinu. Ég snarmissti hins vegar mataralystina þegar ég sá draumaprinsinum bregða fyrir. Ég hélt hann væri í sumarfrí þannig að ég átti alls ekki von á honum þarna. Ég starði því ofan í diskinn minn og vonaði að hann myndi setjast á næsta borð. En nei, hann hlammaði sér við borðið hjá okkur, alltaf birtast þeir þegar maður á sist von á þeim og þegar mánaðarlegu túrbólurnar eru í sem mestum blóma. Ég hefði nú haft mig eitthvað aðeins til ef ég hefði vitað að hann myndi mæta þennan dag.

Ég missti auðvitað málið og settist á hendurnar þar sem ég varð svo taugaóstyrk að þær kipptust allar til. Ég treysti þeim ekki af ótta við að brjóta eitthvað eða missa matinn niður á hvíta kjólinn minn. Hann braut hins vegar ísinn og ávarpaði mig beint. Ég komst því ekki hjá því að líta

upp og við mér blöstu þessi stóru, falllegu, brúnu, glaðværu augu. Það var sem einhver kæmi með fjarstýringu og lækkaði niður í heiminum, hægði á tímanum og setti okkur tvö á loft. Ég týndist í augunum hans og hann horfði djúpt í augun á mér og brosti. Ég varð svo hamingjusöm að ég réð ekkert við varir minar sem breiddu úr sér út að eyrum og snarfestust þar.

Hann yppti óxlum, blikkaði mig og benti á tennurnar í sér og sagði eitthvað sem ég hreinlega missti af í allri sælúvimunni.

Haaaaaa! hvíslaði ég með klaufalega sexi röddu. Hann hélt bara áfram að benda á tennurnar í sér og segja eitthvað ... sflksjdfkælæieðajjegjseif. Ég starði á hann með frosið bros, hann hefði allt eins getað talað kínversku fyrir mér. Rosalega er hann ánægður með tennurnar í sér hugsaði ég með mér; enda svo sem gullfallegar tennur. Hann hristi höfuðið, reisti sig upp, benti enn fastar á tennurnar í sér og hækkaði róminn: ÞU ERT MEÐ MAIS FASTAN Í TÖNNUNUM Á ÞÉR!

ÁST Í HÁDEGINU
-ein af færslum Elínar

SPURNINGAKEPPNI sirkuss

SPURNINGAKEPPNI SIRKUSS HELDUR ÁFRAM. HELGI SELJAN ER ÓSIGRAÐUR EN KEPPIR HÉR VIÐ KÖTLU MARGRÉTI ÞORGEIRSDÓTTUR LEIKKONU.

1. Hvaða land sigraði á Evrópumóti kvenna í knattspyrnu 19 ára og yngri sem haldið var hér á landi fyrir skömmu?
2. Hvað heitir nýjasta plata Megasar?
3. Hver keypti gamla borgarbókasafnið við Þingholtsstræti af Odd Nerdrum?
4. Hvað heitir nýr fréttastjóri Stöðvar 2?
5. Hvað heitir sænski landsliðsmaðurinn í knattspyrnu sem Eggert Magnússon keypti nýlega til West Ham?
6. Hver talar fyrir Marge Simpson í myndinni um Simpson-fjölskylduna?
7. Hver er Íslandsmeistari kvenna í högguleik í golfi?
8. Hvað heitir sýslumaðurinn á Selfossi?
9. Hver greiddi hæstu opinberu gjöldin í umdæmi skattstjórans í Reykjavík á síðasta ári?
10. Hver er Norðurlandameistari kvenna í skák 2007?



Helgi Seljan

7 RÉTT SVÖR

1. Þýskaland
2. Frágangur
3. Sigríður Wernersdóttir
4. Steingrímur S. Ólafsson
5. Fredrik Ljungberg
6. Sigrún E. Björnsdóttir
7. Nina Björk
8. Ólafur H. Kjartansson
9. Hreiðar Már
10. Guðrún



Katla Margrét

6 RÉTT SVÖR

1. Þýskaland
2. Frágangur
3. Ingunn Wernersdóttir
4. Steingrímur Ólafsson
5. Ekki hugmynd
6. Margrét Vilhjálmssdóttir
7. Hef ekki hugmynd
8. Ólafur H. Kjartansson
9. Veit ekki
10. Veit ekki

Rétt svör 1. Þýskaland 2. Frágangur 3. Ingunn Wernersdóttir 4. Steingrímur Sævarr Ólafsson 5. Freddie Ljungberg 6. Margrét Vilhjálmssdóttir 7. Nina Dögg Geirsdóttir 8. Ólafur Helgi Kjartansson 9. Hreiðar Már Sigurðsson, forstjóri Kaupþings. 10. Lenka Ptácnikova

Helgi Seljan marði sigur á Kötlum Margrétu og er óstöðvandi í spurningakeppninni. Katla Margrét skorar á sjötta Heimilistóninn Gunnar Arnason, magnaravörð og músikant.

Ertu með allt fyrir helgina?

**Pú færð allt fyrir verslunarmannahelgina í 66°Norður.
Glymur svefnpoki á 4900 kr., óbrjótanleg drykkjarflaska á 950 kr.
og bestu regnföt í heimi frá 1500 kr.***

* PVC regnfatnaðurinn fæst í verslunum okkar í Miðhrauni, Kringlunni, Faxafeni og á Akureyri.

Höfuðborgarsvæðið: Smáralind, Kringlan, Bankastræti 5, Faxafen 12,
Miðhraun 11 Garðabæ. **Akureyri:** Glerárgata 32.
Keflavík: Leifsstöð og söluaðilar um land allt.

www.66north.is

Klæddu þig vel



JÓNSSON & LEIMACKS · JÚLÍ · SÍA

JÓNSSON & LEIMACKS · JÚLÍ · SÍA